

總傳花鏡


三

花木類考

| | | | | |
|-----|---|---|---|---|
| 漢書門 | | | | |
| 二 | 六 | 九 | 四 | 類 |
| 一 | 三 | 五 | 號 | |
| 六 | 七 | 函 | 架 | 冊 |

| | | | | |
|------|---|---|---|---|
| 內閣文庫 | | | | |
| 三 | 二 | 二 | 六 | 漢 |
| 六 | 六 | 九 | 四 | 書 |
| 函 | 冊 | 號 | 類 | |
| 架 | 冊 | 號 | 類 | |

| | | |
|------|-----|-------|
| 內閣文庫 | | |
| 番號 | 漢 | 2694 |
| 冊數 | 6 | (3) |
| 函號 | 306 | 300 |



秘傳花鏡卷之三目次

花木類攷

松

栢

梓

牡丹

附譜

梅

蠟梅

附譜

山茶

瑞香

附譜

結香

迎春

櫻桃




玉蘭

杏花

丁香

花鏡

卷三 目次



辛夷

杜鵑

桃花 附譜

金絲桃

夾竹桃

李花

梨花

木瓜

棠梨

郁李

貼梗海棠

西府海棠

垂絲海棠

林擒

奈

文官果

山楂

山躑躅

粉團

八仙花

紫荆

金雀花

山礬

桑

佛桑花

南天竹

合歡

漆

柿

柳

楊

檉柳

橘 附枳

橙

金柑

香櫞

佛手柑

檳榔

虎刺

蜜蒙花

平地木

梔子

石榴

火石榴

棟

棗

椿 附榑

楓

楮

梧桐

楊梅

橄欖

荔枝 附譜

龍眼

黃楊木

柳

椒

茱萸

銀杏

胡桃

六月雪

茶

枳椇

槐

紫薇

白菱

木槿

桂

皂莢

櫻櫚

紅豆樹

無花果

花鏡圖



梓

松



牡丹

栢

- 枇杷
- 木蘭
- 天仙果
- 攀枝花
- 石楠
- 冬青
- 栗
- 榲
- 茶梅花
- 古度子
- 柏
- 鐵樹
- 榆

花鏡

卷三



櫻桃



結香



杏



玉蘭

香瑞



梅



茶山



梅臘




花李




桃絲金



梨



桃竹夾



丁香



辛夷



鵝杜



桃




文官花



西府海棠



山楂



林檎



郁李



木瓜



貼梗海棠



棠梨




南桑



花雀金




桑佛




礬山



荆紫



躑躅



八仙花



團粉



橘



柳



楊




柳 檉




漆




燭 天 南



柿



歡 合




豆紅海



榔檳



花蒙蜜




刺虎



橙



手佛



棟



椽






桐

楊黃



楓



棗


榴石



木地平



榆



梔子花





椰



荔枝



椒



龍眼



梅楊



楮



攬橄




梧桐

花鏡

卷三

六



紫薇



根



桂



槐



桃胡



茱萸



茗



杏銀

無花果



角皂



菱白




木録

槿木



蘭木



榧



椶櫚



栗



柏



子慶古



楠石




花枝攀




梅茶



榛



果仙天



杷枇





鐵樹

青冬



秘傳花鏡卷之三

西湖花隱陳湜子訂輯

花木類攷

是編乃綠墅名園所必需主人好花而不善
 植者所當細閱也然詳圃而畧農非棄本以
 趨末五穀簡而草木繁若不細審其性情分
 辨其宜忌則萬卉千葩安望其色之妍香之
 濃葉之肥實之美耶今以不傳之秘公之同
 人則世無不生之花矣

松

松為百木之長。諸山中皆有之。兩鬣三鬣而細者常
 松也。五鬣六鬣為一朶。葉者別牙。栝子松也。潤瓣厚
 葉者羅漢松也。其質礫砢。修聳多節。永年皮粗如龍
 鱗。葉細如馬鬣。遇霜雪而不凋。歷千年而不殞。其花
 色黃而多香。但有粉而無瓣。實似猪心。疊成鱗砌。秋
 老則子長。鱗裂。味最甘香。可口。滇南子色黑。遼東子色黃。千歲松
 產於天目。武功。黃山高。不滿二三尺。性喜燥。背陰生
 深巖石塌上。永不見肥。故歲久不大。可作天然盆玩。

又有赤松。白松。鹿尾松。之異。惟剔牙。松皮青而嫩。稍
 傷其皮。則脂易溜。須以火鐵燙止。用糞泥密封。方不
 洩氣。凡欲松偃蓋。必截去松之大根。惟留四旁根鬣。
 則無不偃蓋矣。種法於春分前。浸子十日。治畦下糞
 漫撒畦內。如種菜法。其苗自生。一切花木皆貴少壯。
 獨松柏梅等。世人多貴蒼老古勁。歲久松能化石脂。
 能成珀。如上有兔絲。則根下有伏苓。為仙家服食之
 藥。其花亦可作粉食。

栢 コトカシハ

柏一名蒼官。一名掬。與松齊壽。有扁柏。檜柏。黃柏。瓔珞柏之異。惟扁柏為貴。故園林多植之。因其葉側向而生。又名側柏。其味微澁而甘香。道人多採作服食。用點茶湯。諸木向陽。柏獨西指。其性堅緻。有脂而香。故古人破為暢白。用以擣鬱。三月開細瑣花。不甚可觀。結實成球狀。如小鈴。霜後四裂。中含數子。大如麥粒。亦自芬香。仁亦道家所服食者。檜柏體堅難長。亦難萎黃。木聳直而皮薄。肌細。葉至冬更青翠。瓔珞柏枝葉俱垂下。宜栽庭際。皆無花。有子。峨嵋山有竹葉

柏身者。名竹柏。稟堅凝之質。不與群卉同凋。其小者止一二尺。可作盆玩。又乾陵有柏。木之文理大者多為菩薩雲氣人物鳥獸狀態。分明徑尺一株。可值萬錢。柏性喜晒。每年中用晒過糞水澆三四次。則色鮮潤。秋時剪小枝二三尺者。插肥地。亦活。或收子至二三月間。用水淘取沉者。着濕地。隔兩日再淘。候芽出。將熟地成畦。以子勻撒其中。覆以細土。二三日一澆。苗出土後。須圍以短籬。防蝦蟇所食。

梓 キサケ

梓一名木王林中有梓樹諸木皆內拱葉似梧桐差小而無岐春開紫白花如帽極其爛熳生莢細如箸長尺許冬底葉落莢猶在樹種法秋末冬初取莢曝乾播種一年薹之二年方可移植或交春斷其根瘞於土亦能發條其葉飼豕最肥

牡丹

フカミクサ
ハツカクサ

牡丹為花中之王北地最多花有五色千葉重樓之異以黃紫者為最自歐陽修作記後人皆供傳其名遂有牡丹譜今取其一百三十一種詳釋於後其性

宜涼畏熱喜燥惡濕根窠樂得新土則茂懼烈風酷日須栽高廠向陽之所則花大而色妍移植在八月社前或秋分後皆可根下宿土少留切勿掘斷細根每種過先將白歛末一斤拌勻新土內因其根甜多引土蠶蟻蟻再以小麥數十粒撒下然後坐花於上以土覆滿復將牡丹提與地平使其根直則易活不可踏實隨以天落水或河水灌之子類母丁香而黑六月收置向風處晾一日以瓦盆拌濕土盛之至八月中取其下水即沉者而哇種之待其春芽長大五六

月以葦箔遮，日夜則露之。至次年便可移種矣。然結子畦種不若根上生苗分植之，使其接換亦在秋社前後。將種活五年以上小牡丹，去地留一二寸，將利刀斜削去一半，再以佳種旺條截一段斜削去一半。上留二三眼，貼於小樹上，合如一木，以麻縛定，用濕泥抹其縛處，兩瓦合之內填細土，待來春驚蟄後出瓦與土，隨以草薦圍之，未有不活者。其花愈接愈多。昔張茂卿接牡丹於椿樹之上，每開則登樓宴賞。至今稱之。夏月灌溉必清晨或初更，必候地涼方可澆。

八九月五七日一澆，十月十一月三四日一澆，十二月地凍止，可用猪糞壅之。春分後便不可澆肥，直至花放後畧用輕肥。六月尤忌澆澆，則損根，來年無花。花未放時去其瘦莖，謂之打剝花，將放必用高幕遮。日則花耐久，開殘即剪，勿令結子。留子則來年不盛。冬至日以鍾乳粉和硫黃少許置根下，有益。如枝梗蟲蛀，當尋其蛀眼，用硫黃或塞或熏，或用杉木作針釘之。自斃性畏麝香、桐油、生漆氣，旁宜植遍麝草。如無即種大蒜、葱、韭，亦可不使亂草侵土，并熱手撫摩。

輟當
作輟

若折枝插瓶先燒斷處鎔蠟封之可貯數日不萎或用蜜養更妙花樹後蜜仍可如將萎者剪去下截用竹架起投水缸中浸一宿復鮮一法以白木末放根下諸般花色悉帶腰金若北方地厚雖無肥糞即油糞肥壅之亦盛不可一例論也但忌犬糞八月十五是牡丹生日洛下名園有植牡丹數千本者每歲盛開主人輒置酒延賞若遇風日晴和花忽盤旋翔舞香馥異常此乃花神至也主人必起具酒脯羅拜花前移時始定歲以為常

附牡丹釋名 共一百三十一種

正黃色 計十一品

御衣黃 千葉似黃葵 姚黃 千葉樓子產姚崇家 淡鵝黃 平頭初黃後漸白

禁院黃 千葉起樓子 甘草黃 單葉深黃色 愛雲黃 大瓣平頭宜重肥

黃氣毬 瓣圓轉淡黃 金帶腰 腰間色深黃 女真黃 千葉而香濃喜陰

太平樓閣 千葉高樓 蜜嬌 本如檉葉尖長花五瓣蜜蠟色中有蕊根檀心

大紅色 計十八品

錦袍紅 即潛溪緋千葉 狀元紅 千葉樓子喜陰 朱砂紅 日照如猩血喜陰

舞青猊 中吐五青瓣 石榴紅 千葉樓子喜陽 九蕊珍珠 紅葉上有白點如珠

醉胭脂 千葉莖長頭垂 西瓜穰 內深紅邊漸淡 錦繡球 葉微小千

羊血紅 千葉平頭易開 碎剪絨 葉尖多缺如剪 金絲紅 平頭瓣上

入七寶冠 千葉樓千難開 映日紅 千葉細瓣喜陽 石家紅 平頭千葉不甚緊

鶴頂紅 千葉中更紅 王家紅 千葉樓尖微曲 小葉大紅 頭小葉多難開

桃紅色 計二十七品

蓮蕊紅 有青跌三重 西番頭 千葉難開宜陰 壽安紅 平頭細葉黃心宜陽

添色紅 初白漸紅後深 鳳頭紅 花高大中特起 大葉桃紅 潤瓣樓千宜陰

梅紅 千葉平頭深紅色 西子紅 千葉圓花宜陰 舞青霓 千葉心吐五青瓣

西瓜紅 胎紅而長宜陽 美人紅 千葉軟條樓子 嬌紅樓臺 千葉重樓宜陰

海天霞 平頭花大如盤 輕羅紅 千葉而薄 皺葉紅 葉圓有皺紋宜陰

陳州紅 千葉以地得名 殿春芳 晚開有樓子 花紅綉毬 細瓣而圓花

四面鏡 有旋瓣四面花 醉仙桃 外白內紅宜陰 出莖桃紅 莖長有尺許

翠紅粧 起樓難開宜陰 嬌紅 似魏紅而不甚大 鞞紅 單葉紅花稍白即青州紅

罌粟紅 單葉皆倒暈 魏家紅 千葉肉紅畧有粉梢開最大以姓得名

粉紅色 計二十四品

觀音面 千葉花緊宜陽 粉西施 淡中微有紅暈 玉兔天香 中二瓣如兔耳

玉樓春 千葉多兩盛開 素鸞嬌 千葉樓千宜陰 醉楊妃 千葉平頭最畏烈日

粉霞紅 千葉大平頭 倒暈檀心 外紅心白 水紅毬 千葉外白內紅如毬

三學士 係三頭 合歡嬌 一蒂雙頭者 醉春容 似醉西施開久露頂

紅玉盤 平頭邊白心紅 玉芙蓉 成樹則開空陰 鶴翎紅 千葉細長本紅末白

西天香 開早初嬌後淡 回回粉 細瓣外紅內白 瑪瑙盤 千葉淡紅白稍檀心

雲葉紅 瓣層次如雲 滿園春 清明時即開 瑞露蟬 花中抽碧心如合蟬

墨羅 中心瑣碎如羅紋 一捻紅 昔日貴妃勻面脂在手偶印花上來年花生皆有指

甲紅痕至今稱以為異

紫色 計二十六品

朝天紫 金紫如夫人服 腰金紫 腰間圍有黃鬚 金花狀元 微紫葉有黃鬚

紫重樓 千葉樓最難開 葛巾紫 圓正富麗如巾 紫雲芳 千葉花中包有黃藍

紫羅袍 千葉瓣薄宜陽 丁香紫 千葉小樓子 茄花紫 千葉樓深紫即藕絲

瑞香紫 淺紫大瓣而香 舞青猊 千葉有五青瓣 駝褐紫 大瓣色似褐衣宜陰

紫姑仙 大瓣樓子淡紫 烟籠紫 千葉淺淡交映 潛溪緋 叢中特出緋者一二

紫金盤 千葉深紫宜陽 紫繡毬 即魏紫也千葉樓子葉肥大而圓轉可愛

檀心紫 中有深檀心 葉底紫 似墨紫花在叢中旁必生一枝引葉覆上即軍容紫

潑墨紫 深紫色類墨葵 鹿胎紫 千葉紫瓣上有白點儼若鹿皮紋宜陽

魏家紫 千葉大花產魏相家 平頭紫 即左紫也千葉花大徑尺而齊如截宜陽

乾道紫 色稍淡而暈紅 紫玉 千葉白瓣中有深紫色絲紋宜陰

錦圍緣 其幹亂生成叢葉齊小而短厚花千瓣粉紫色合紐如撮瓣細紋

白色 計二十二品

玉天仙 多葉白 慶天香 千葉粉 玉重樓 千葉高樓

線邊白 瓣邊有綠暈 蜜嬌姿 初開微白 萬卷書 卽玉玲瓏

銀粧點 千葉樓 水晶毬 瓣圓俱垂下 玉剪裁 平頭葉邊

白青貌 中有五青瓣 蓮香白 平頭花 伏家白 以姓得名

鳳尾白 中有長瓣特出 玉盤盃 多葉大 玉版白 單葉細長

鶴翎白 多葉而長 金絲白 瓣上有淡黃絲 羊脂玉 千葉樓子

青心白 千葉青 玉碗白 單葉大 平頭白 花大尺許

一百五 辨長多葉黃蓋檀心花最大

青色 計三品

佛頭青 一名歐碧群花 綠蝴蝶 一名萼綠華千

鴨蛋青 花色如蛋殼宜陰

牡丹花之五色燦爛其形其色其態度變幻原其可名狀後之命名亦隨人之喜好約數百種然而雷同者亦不少茲存一百三十種尚有疑似處望博雅裁之

梅

梅一名栳一名蓀葉實花俱似杏差小而花獨優於

香昔范石湖有梅譜約九十餘種大底一花二三名者多今特取其山林常有而人所常植者二十種詳釋於後梅本出於羅浮庾嶺喜暖故也而古梅多著於吳下吳興西湖會稽四明等處每多百年老幹其枝樛曲萬狀蒼蘚鱗斂封滿花身且有苔鬚垂於枝間長寸許風至綠絲飄動其樹枝四蔭週遭可羅坐數十人好事者多載酒賞之蓋梅為天下尤物無論智愚賢不肖莫不慕其香韻而稱其清高故名園古剎取橫斜疎瘦與老幹枯株以為點綴早梅冬至前

即開晚梅春分時始放如多植則相繼而開最久性潔喜晒澆以塘水則茂肥多生虜但結實微酸而酸之功用甚廣人多取焉食若畏酸同韶粉嚼則味不酸而牙不軟或以胡桃肉解變楚音

附梅花釋名

共二十一種

諸色梅

綠萼梅

凡梅耐蒂皆綠紫此獨純綠

重葉梅

花頭甚豐千葉開如小白蓮

玉蝶梅

花頭大而微紅色甚妍可愛

冠城梅

單葉者實大五月熟千葉者實少

消梅

即江梅花與冠城相似實微甘而脆

照水梅

花開朵朵向下而香濃亦梅中奇品

鴛鴦梅

重葉數層紅艷輕盈一蒂雙實

黃香梅

一名細梅花小瓣微黃香尤烈

品字梅

一花結三實但其實小不堪啖

紅梅

千葉實少來自閩州有福州紅潭州紅名

杏梅

花色淡紅實扁而斑其味似杏

墨梅

此係練樹所接江梅而花成淡墨色者

麗枝梅

花繁而蒂紫但結實不甚大

冰梅

實生葉罅而不花色如冰玉無核含自融

鶴頂梅

花如常梅惟實大而紅

冬梅

結實甚小十月可用不能熟

九英梅

此花為白樂天杜子美所賞鑒

朱梅

較之千葉紅梅色更深而豔

江梅

白花檀心紫蒂王荆公稱為花御史

臺閣梅

花開後心中復有

榔梅

出均州太和山相傳真武折梅枝挿榔樹上誓曰吾道若成花開果結後榔果開梅結實至今尚在五龍宮北

蠟梅

ナキンウメ

蠟梅

俗作臘

一名黃梅本非梅類因其與梅同放其香

又相近色似蜜蠟且臘月開故有是名樹不甚大而

枝叢葉如桃潤而厚有磬口荷花狗英三種惟圓瓣

深黃形似白梅雖盛開如半含者名磬口最為世珍

若瓶供一枝香可盈室狗英亦香而形色不及近日

圓瓣者皆如荷花而微有尖僅免狗英者皆由用狗

英接換故也若以子出不經接過者花小而香淡其

品最下實如垂鈴夏熟採取試水沉者種之多生產

荆襄者為上今南浙亦盛其本宜過枝不宜接換

山茶 ツバキ

山茶一名曼陀羅樹高者一二丈低者二三尺枝幹交加葉似木樨潤厚而尖長面深綠光滑背淺綠經冬不凋以葉類茶故得茶名花之名色甚多姑列於後其開最久自十月開至二月方歇性喜陰燥不宜大肥春間臘月皆可移栽四季花寄枝宜用本體黃花香寄枝宜用茶體若用山茶體花仍紅色白花寄枝同上磬口花啣口花宜子種以單葉接千葉則花

盛而樹久以冬青接十不活一二

附山茶釋名 共十九種

諸色茶花

瑪瑙茶 產溫州紅黃白粉為心大紅盤 鶴頂紅 大紅蓮瓣中心塞

寶珠茶 千葉攢簇殷紅 焦萼白寶珠 似寶珠蓋白九月開甚香

楊妃茶 單葉花開最早桃紅色 正宮粉 賽宮粉 花皆粉紅色

石榴茶 中有碎花 梅榴茶 青蒂而小花 真珠茶 淡紅色

菜榴茶 有類山躑躅 躑躅茶 色深紅如杜鵑 串珠茶 亦粉紅

磬口茶 花瓣皆圓轉 茉莉茶 色純白一名白菱開久而繁亦畏寒

一捻紅 白瓣有紅點 照殿紅 葉大而紅

晚山茶 二月方開

南山茶 出廣州葉薄有毛實大如拳

瑞香 シシヤウケ

瑞香一名蓬萊花有紫白紅三色本不甚高而枝幹極婆娑隔年發蕊蓓蘖於葉頂立春後即開花紫如丁香者其香更濃葉邊有黃暈者名金邊瑞香又有似楊梅葉者或球子者攀枝者其性喜陰耐寒然又惡濕婦女多喜扞帶不宜糞澆惟用浣衣垢水或燻猪湯澆或壅人頭垢則茂芒種時剪取嫩條破開放

大麥一粒用亂髮纏之插入土中根旁壅好勿令見白以垢水澆之一云左手折花隨即扞插勿換手種無有不活其根甚甜多藏蚯蚓必須以法去之又名麝囊能損花宜另植

結香

結香俗名黃瑞香幹葉皆似瑞香而枝甚柔韌可縮結花色鶯黃比瑞香差長亦與瑞香同時放但花落後始生葉而香大不如

迎春花 ワウハイ

迎春花一名腰金帶叢生高數尺方莖厚葉開最早
交春卽放淡黃花形如瑞香不結實對節生小枝一
枝三葉候花放時移栽肥土或巖石上或盆中而柔
條散垂花綴枝頭實繁且韻分栽宜於二月中旬須
用燐性水澆方茂

櫻桃 ヌスラウメ

櫻桃一名楔又有荆桃含桃謂鳥喜含崖蜜蠟櫻色皆赤朱
英赤麥英數名此木得正陽之氣故實先諸果而熟
禮薦宗廟亦取其先出也本不甚高而多蔭春初開

白花繁英如雪其香如蜜葉圓有尖邊如細齒結子
一枝數十夥有朱紫蠟三色又有千葉者其實少但
果紅熟時必須守護否則爲鳥雀白頭公所食無遺
也枝節間有根鬚垂下者二月間取栽於肥土中常
以糞澆之卽活若陽地種者還種陽地陰地種者還
種陰地則樹易盛而實多又性宜堅實陰地不可用
糞實熟時當張葦箔以護風雨一經雨打則蟲自內
生人莫之見須用水浸良久候蟲出方可食

玉蘭 モクレンゲ

玉蘭古名木蘭出於馬跡山紫府觀者佳今南浙亦
 廣有樹高大而堅花開九瓣碧白色如蓮心紫綠而
 香絕無柔條隆冬結蕾一幹一花皆着木末必俟花
 落後葉從蒂中抽出在未放時多澆糞水則花大而
 香濃但忌水浸與木筆並植秋後按換甚便其瓣擇
 洗精潔拖麵麻油煎食極佳或蜜浸亦可其製法與
 牡丹瓣同。

杏花

カラモノハナ
アズノハナ

杏花有二種單瓣與千瓣劔州山有千葉杏花先紅

後白但嬌麗而不香樹高大而根生最淺須以大石
 壓根則花易盛而結實始繁其核可種而仁不堪食
 其可食者係關西巴旦杏八丹實小而肉薄核內仁
 獨甘美點茶上品梅杏黃而帶酢沙杏甘而有沙木
 杏扁而青黃奈杏青而微黃又一種金杏圓大如梨
 深黃若金橘每種將核帶肉埋於糞土中任其長大
 來年須移栽若不移過則實小味苦又不可栽密密
 則難長少實昔李剋卿家有杏花多不實一媒姥見
 而笑曰來春與嫁此杏冬至忽攜一樽酒過云婚家

撞門酒也。索處子紅裙繫樹。祝曰：青陽司令庶彙惟新。木德屬仁，更旺於春。森森柯幹，簇簇繁陰。我今嫁汝，萬億子孫。明年結子，果多相傳，為韻事。

丁香

丁香一名百結。葉似茉莉，花有紫白二種。初春開花，細小似丁香蓓蕾，而生於枝抄。其瓣柔色紫清，香襲入接分俱可，但畏濕而不宜大肥。

辛夷

辛夷一名木筆，一名望春。較玉蘭樹差小，葉類柿而

長隔年發，蓋有毛儼若筆尖。花開似蓮，外紫內白花。落葉出而無實，別名侯桃。俗呼猪心花。又有紅似杜鵑者，俗呼為石薔。其本可接玉蘭，亦宜斫條扦插。可同玉蘭並植。至秋後過枝，即生。皆可變為玉蘭。多澆糞水，則花大而香濃。人多取葢合香。

杜鵑

サツキツツジ

杜鵑一名紅躑躅。樹不高大，重瓣紅花，極其爛縵。每於杜鵑啼時盛開，故有是名。先花後葉，出自蜀中者，佳。花有十數層，紅艷比他處者更甚。性最喜陰而惡

肥每早以河水澆置之樹陰之下則葉青翠可觀亦有黃白二色者春鵙亦有長丈餘者須種以山黃泥澆以羊糞水方茂若用映山紅接者花不甚佳切忌糞水宜豆汁澆

桃

桃為五木之精能制百鬼乃仙品也隨處有之枝幹扶疎葉狹而長二月開花有紅白粉紅深紅之殊他如單瓣大紅千瓣粉紅千瓣白之變爛縵芳菲其色甚媚花最易植木少則花盛實甘子繁性早實三年

便結子六七年即老結子便細十年後多枯其皮最緊若四年後用刀自樹本豎剝其皮至生枝處使膠盡出則皮不脹不死多有數年之活傳云千歲桃豈尋常之物惟仙家稱之究竟桃無久壽而種類甚多詳載於後種法取佳種熟桃連肉埋糞地中尖頭向上覆熟肥土尺餘至春發生帶土移栽別地則旺若仍在糞地則實小而苦凡種桃淺則出深則不生故其根淺不耐久近得所傳云於初結實次年斫去其樹復生又斫又生但覺生虱即斫令復長則其根入

地深而盤結自固百年猶結實如初又桃實太繁則多墜於社日春根下土石壓其枝則不落桃子若生蟲以煮猪首淡汁冷澆之自無如生蚜蟲以多年竹燈挂懸樹稍開則蟲自落

附桃花釋名 共二十四品

諸色桃

日月桃 其種一枝有二 崑崙桃 一名王母桃出洛花或紅或白
 巨核桃 霜下始花大暑 瑞仙桃 花最稠密其方熟出常山
 人面桃 花粉紅千葉少 毛桃 爾雅名禱桃小而多實又名美人桃
 毛桃 毛核粘味劣不堪

緋桃 即蕪桃花如剪絨 金桃 出太原形長色黃以比諸種開遲色艷
 鴛鴦桃 千葉深紅開最 銀桃 單葉實圓色青白肉後結實必雙
 李桃 單葉深紅花實圓 雪桃 即十月桃花紅形圓色青肉粘核味甘酸

水蜜桃 出上海顧氏家 油桃 有赤斑點光如塗油其味甜如蜜
 新羅桃 單葉紅花其子 扁桃 出波斯國形扁而肉可食性獨熱
 雷震紅 雷雨過輒見一 鷹嘴桃 花紅實在六月熟紅暈更為難得一
 餅子桃 單葉紅花實狀 墨桃 花色紫黑似墨莖如香餅味甘

白碧桃 單葉千葉二種 胭脂桃 單葉紅花結實至惟單葉結實繁
 壽星桃 樹矮而花千葉 附羊桃 出自福州其實實大可作盆玩
 錄

三桃

金絲桃 ビヤウヤチキ

金絲桃一名桃金娘。出桂林郡。花似桃而大。其色更
頰中莖純紫。心吐黃鬚。鋪散花外。儼若金絲。八九月
實熟。青紺若牛乳狀。其味甘。可入藥用。如分種。當從
根下劈開。仍以土覆之。至來年移植便活。

夾竹桃

夾竹桃本名柁那。自嶺南來。夏間開淡紅花。五瓣長
筒微尖。一朵約數十萼。至秋深猶有之。因其花似桃
葉似竹。故得是名。非真桃也。性惡濕而畏寒。十月中

即宜置向陽處。以避霜雪。最喜者肥。不可缺。壅冬逢
和暖日。微以水潤之。但水多則恐冰凍而死。分法在
季春。以大竹管韜於枝節間。用肥土填貯。朝夕不失
水。久之根生。截下另植。遂可得種矣。今人於五六月
間。以此花配茉莉。婦女簪髻。嬌裊可挹。

李花 スモ、ノハナ

李樹大者有一二丈。性較桃則耐久。可活三十餘年。
老枝雖枯。子亦不細。花白小而繁。多開如雪。其實名
不一。有木李。青宵。御黃。均亭。夫人。皮青肉紅皆李之上品。

也。紫粉。小青。白李。杏李。馬肝。牛心。扁縫。鼠精。朱李。熊李。似肥黏乃李之下品也。又麥李紅而甜。可食。麥秀即至結。實有離核。合核。無核之異。俗傳種桃宜密。種李宜稀。其分根種接之法。皆與桃同。故不贅。但培壅宜猪糞。不可用糞。如少實。於元旦五更。將火把四面照看。謂之稼李。當年便生。若以挑接。則生子紅而甘。

梨花 ナシノハナ

梨一名果宗。一名玉乳。處處有之。其木堅實。高有三丈。枝葉扶疎。似杏而微厚。大二月開花。六出似李。

花稍大有紅白二色。香不香之別。上巳日無風則結實。必佳。其果名不一。有紫花梨。細葉梨。芳梨。實小青梨。大胸山梨。大谷梨。張公梨。夏熟禦兒梨。韓梨。蜜梨。甘棠梨。鵝梨。皮薄漿多而香秋白梨。紅消梨。出蕭縣太師梨。乳梨。出宣城城皮厚。稻稍梨。菴羅梨。棒槌梨。因其形似香水梨。出北地為上品壓沙梨。榲梨。鳳棲梨。綿梨。水梨。最赤梨。鹿梨。葉如茶而實小。出山。紫梨。花以秋日開紅色以上諸品。或形色。或香味。種種不同。每顆生十餘子。種之惟一。二生梨。餘皆生杜。植法。用最熟大梨。全埋。經年至來。春生芽。次年分

栽之多著肥水及冬葉落附地刈殺之以炭火燒頭
二年即開花接法在春秋二分時用桑本或棠梨或
杜接過其實必大史記云淮北柴南河濟之間家植
千樹梨其人與千戶侯等又夷陵山中多紅梨花且
有千葉者時司馬溫公會作詩贊之昔梁緒於花開
時折花簪多壓損帽簷至頭不能舉人為美談

木瓜 ボケ

木瓜一名楸一名鐵脚梨獨蘭亭宣城者為最樹高
丈餘葉厚而光狀如海棠及奈春深未發葉先有花

其色深紅微帶白實大如瓜小者如拳皮黃似薯粉
香最幽甜而津潤有鼻者木瓜無鼻而濇者木李比
木瓜小而酢澁者木桃惟木瓜香而可食宣州人種
滿山谷每實將成好事者鏤紙花粘瓜上夜露日照
漸變紅花色矣其文如生本州用充土貢名為花木
瓜樹可以子種亦可接壓在秋社前後移栽者較春
栽更盛耳畏日喜肥更宜犬糞其直枝可作杖謂老
人策之利筋脈實可浸酒或蜜漬為果亦佳蜜漬法
先切去皮煮令極熟多換水浸使拔去酸澁之味然

後用生蜜熬成煎將木瓜晾乾投於蜜瓶中藏之經
 久不壞而香馥猶存昔天台山石罅有木瓜一株花
 時一巨蛇盤其上至實落供大士後乃去號為護聖
 瓜

棠梨

棠一名棠棣即棠梨也樹如梨而小葉似蒼朮亦有
 圓者三又者邊有鉅齒色黧白二月開小白花實如
 小棟子生青熟紅亦有黃白者土人呼為山查果味
 酸而澁採之入藥兼可製為糖食取花日乾瀹之亦

可克蔬若以此接換梨或林檎與西府海棠氣質極

其相宜其誤

郁李 ニハウメ

郁李一名棠棣又名未移喜梅俗呼為壽李樹高不
 過五六尺枝葉似李而小實若櫻桃而赤味酸甜可
 食其花反而後合有赤白粉紅三色單葉者子多千
 葉者花如紙剪簇成色最嬌艷而上承下覆繁縟可
 觀似有親愛之義故以喻兄弟周公昔賦棠棣即此
 性潔喜暎春間宜栽高燥處澆以清水不用大肥仁

可入藥。

貼梗海棠

海棠有數種。貼梗其一也。叢生單葉。綴枝作花。磬口深紅。無香。不結子。新正即開。但取其花早而艷。不及西府之嬌媚。動入二月間。于根傍開一小溝。攀花着地。以肥土壅之。自生根。來冬截斷。春半便可移栽。其樹最難大。故人多植作盆玩。近法皆不用壓。直於根上分栽。而分必須正月中。澆。性不喜肥。頗畏寒。宜避霜雪。亦有四季花者。

西府海棠

西府海棠一名海紅。樹高一二丈。其木堅而多節。枝密而條暢。葉有類杜。二月開花。五出。初如胭脂。點點然。及開則漸成纈。暈明霞。落則有若宿粧。淡粉。蒂長寸餘。淡紫色。或三萼五萼成叢。心中有紫鬚。其香甚清烈。至秋實大如櫻桃。而微酸。宜種壚壤膏沃之地。如花謝後結子。即當剪去。則來年花盛。而葉遲可愛。若以棠梨接之。即活。又一種黃海棠。葉微圓。而色青。初放鶯黃色。盛開便淺紅矣。

垂絲海棠

海棠之有垂絲非異類也。蓋由櫻桃樹接之而成者。故花梗細長似櫻桃。其瓣叢密而色嬌媚。重英向下。有若小蓮。微遜西府一籌耳。世謂海棠無香。而蜀之潼川昌州海棠獨香。不可一例論也。接法詳十八法內

林檎

林檎一名來禽。因其能來衆鳥於林一名冷金丹。即奈之類也。二月開粉紅花。似西府。但花六出。實則圓而味甘。非若奈之實。長而味稍苦。果之香甜可口。五月中熟者。

蜜林檎為第一。金林檎以花為重。唐高宗時李謹得五色林檎以貢。有金紅水蜜黑五色之異帝悅。賜謹為文林郎。因名為文林郎果。但此水非接不結。多以柰樹搏接之。其法與接梨同。臘月可將嫩條移栽。若樹生毛蟲。埋蠶蛾於樹下。或澆魚腥水可除。好事者以枝頭向陽好實。於未熟時剪紙為花貼於其上。待紅熟時猶若花木瓜樣。入盤釘可愛。又四月收林檎一百內取二十枚槌碎入水同煎。候冷納瓮中浸之。密封其口。久留愈佳。

奈

奈一名頻婆。係梵音猶言端好也江南雖有而北地最多與林檎同類有白赤青三色白為素奈涼州有大如兔頭者赤為丹奈青為綠奈皆夏熟涼州又有一種冬奈十月方熟子帶碧色又上林苑有紫奈大如升核紫花青其汁如漆著衣便不可洗名脂衣奈此皆異種也西土奈多家家收切曝乾為脯數十百斛以為蓄積謂之頻婆糧。

文官果

文官果產於北地樹高丈餘皮粗多礫石木理甚細葉似榆而尖長周圍鉅齒紋深春開小白花成穗每瓣中微凹有細紅筋貫之蒂下有小青托花落結實大者如拳一實中數隔間以白膜仁與馬櫛榔無二裹以白軟皮大如指頂去皮而食其仁甚清美如每日常澆或雨水多則實成者多若遇旱年則實糝小而無成矣

山楂

山楂一名茅楂樹高數尺葉似香薷二月開白花結

實有赤黃白三色。肥者如小林檜，小者如指頂。九月乃熟，味似檀子而微酢。多生於山原茅林中，候鼠喜食。小兒以此為戲果。

山躑躅

山躑躅俗名映山紅，類杜鵑花而稍大。單瓣色淡，若生滿山頭，其年必豐稔。人競採之，亦有紅紫二色。紅者取汁可染物，以羊糞為肥。若欲移植，家園須以本山土壅始活。

粉團花

粉團一名繡球。樹皮體皴，葉青而微黑。有大小二種。麻葉小花一蒂而衆花攢聚，圓白如流蘇。初青後白，儼然一毬。其花邊有紫暈者為最俗。以大者為粉團，小者為繡毬。閩中有一種紅繡球，但與粉團之名不相牟耳。蔴毬、海桐俱可接繡毬。

八仙花

八仙花即繡球之類也。因其一蒂八莖，簇成一朶，故名八仙。其花白瓣薄而不香。蜀中紫繡球即八仙花。如欲過貼，將八仙移就粉團樹畔，經年性定，離根七

八寸許。如法貼縛水澆。至十月。候皮生。截斷。次年開
花必盛。昔日瓊花至元時已朽。後人遂將八仙花補
之。亦八仙之幸也。

紫荆花 ハナスワウ

紫荆花一名滿條紅。花叢生深紫色。一簇數朶。細碎
而無瓣。發無常處。或生本身。或附根枝。二月盡即開。
柔絲相繫。故枝動朶朶嬌顫。若不勝。花謝後葉出。光
緊微圓。根旁生枝。可以分種。性喜肥。畏濕。若與棗棠
並植。金紫相映。而開更覺可入。冬取其莢種。肥地交

春即生。昔臨潼田真兄弟分居。復合。荆枯。再榮。勿謂
草木無情也。

金雀花

金雀花枝柯似迎春。葉如槐。而有小刺。仲春開黃花。
其形尖。而旁開兩瓣。勢如飛雀。可愛。乘花放時。取根
上有鬚者。栽陰處。即活。用鹽湯焯乾。可作茶供。

山礬花

山礬花一名芸香。一名鄭花。多生江浙諸山。葉如冬
青。生不對節。凌冬不凋。三月着白花。細小而繁。不甚

可觀而香馥最遠故俗名七里香北人呼爲瑒花其
子熟則可食土人採其葉以染黃不借礬力而自成
色故名山礬二月中可以壓條分栽採寘髮中久而
益香放床席下去蚤虱置書帙間辟蠹魚

桑クハ

桑之功用甚大原非玩好之木此獨不遺者以存圃
中之本務也其種類稍異白桑葉大如掌而厚雞桑
葉細而薄子桑先樾後葉山桑葉尖而長女桑樹小
而條長壓桑材中弓弩絲中琴瑟棧桑似赤棘以子

種者不若壓條之易大若以構接則葉大根下埋龜
甲則茂盛不蛀又桑生黃衣謂之金桑其木必稿葉
專飼蠶一歲三採更盛一云蝗之所至無葉不食獨
不食桑亦造物之靈也壓桑條宜燥土則根易生

佛桑花

佛桑一名扶桑枝葉類桑與槿花色殷紅似芍藥差
小而輕柔過之開當春末秋初五色婀娜可愛有深
紅粉紅黃白青色數種并單葉重葉之異今北地亦
有之皆自南方移植者但易凍死逢冬須密藏之

南天竹

ナシテン

南天竹一名大椿。吳楚山中甚多。樹高三五尺。歲久亦有長至丈者。但不易得耳。糯者矮而多子。類者高不結實。葉似苦楝而小。經冬不凋。實幹敷枝。三四月間開細白花。結子成簇。至冬漸紅如丹砂。雪中甚是可愛。亦可製食。其性喜陰而惡濕。用山黃泥種背陰處。自茂。不宜澆糞。但用肥土或鞋底泥壅之。若澆只宜冷茶。或臭酒糟水。退雞鶩毛水最妙。人多植庭除間。不特供玩好。尤能辟火災。若秋後髡其幹。留

取孤根。俟春生後。遂長條肆而結子。則本低矮而實紅。可作盆中冬景。

合歡花

子ムノハナ カウカノハナ

合歡。一名蠲忿。生益州。及近京雍洛間。樹似梧桐。枝甚柔弱。葉類槐。莢細而繁。每夜枝必互相交結。來朝一遇風吹。即自解散。了不牽綴。故稱夜合。又名合昏。五月開紅白花。瓣上多有絲茸。實至秋作莢。子極薄。細。人家第宅園池間。皆宜植之。能令人消忿。冬月可以分栽。取葉搗爛。絞汁。浣衣。最能去垢。

漆 ウルシ

漆一作生蜀漢江浙等處木高二三丈皮白葉似椿花似槐子若牛李木心黃可作杖夏至後以剛斧斫其皮將竹管承取其汁用漆器具甚妙液若不取多自斃

柿 カキ

柿朱果也葉似山茶而厚大四月開黃白小花結實青綠九月微黃即摘少藏數日即便紅熟甜美可啖但未熟時最澁將木瓜三兩枚雜於生柿籃中數日或以槓檀置其中亦能去澁產青州者更佳古云柿

有七絕。一樹多壽。二葉多蔭。三無鳥巢。四少蟲蠹。五霜葉可玩。六嘉實可餐。但不可與七落葉肥厚可以臨書。如冬間核種待長移栽不若春後用柀柿接或取好枝於輓棗根上接更妙。大凡柿接三次過則核全無矣。蓋柿之種類不一。有紅柿。烏柿。黃柿。牛奶蒸餅。八稜。方蒂。圓蓋。塔柿等名色。木有文而根最固。俗謂之柿盤。別有一種柀柿。葉上有毛。實皆青黑。最不堪食。止可收作柿漆。八月間用柀柿擣碎。每柿一升。用水半升。釀四五時。搾取漆令乾。添水再取。傘扇全

賴此漆糊成也。

柳ヤナキ

柳一名宮柳。一名垂柳。本性柔脆。北土最多。枝條長軟。葉青而狹長。初春生柔荑。粗如筋。長寸許。開黃花。鱗次黃上。甚細碎。以漸生葉。至暮春葉長成。花中結細子。如粟米。大扁小而黑。上帶白絮如絨。俗名柳絮。隨風飛舞。凡着毛衣。即生蛙蟲。入池沼。即化浮萍。此乃宮柳也。若叢葉成陰。長條數尺。或至丈餘。孃孃下垂者。此為垂柳。雖無香艷。而微風搖蕩。每為黃鸝嬌

語之鄉。吟蟬托息之所。人皆取以悅耳目。乃園林中必需之木也。種法在臘月。斫大幹。燔其下。焦而托之。如劈開其皮。夾甘草一片。入土。則不生蟲。壅土宜實。種後若不動搖。雖縱橫顛倒。插之盡活。乃最易生之物也。昔人因其花似絮。故有飛綿飛絮。寒無用。如雪。如霜。暖不消之咏。

楊

楊有二種。白楊。葉芽時便有白毛。及盡展。似梨葉。長而厚。面淡青。而背白。蒂長兩兩相對。遇風則款款有

聲人多植之墳墓間高可十餘丈又青楊樹比白楊較小葉似杏葉而稍長大色青綠本亦聳直大槩柳枝長脆葉狹長揚枝短硬葉圓潤柳性耐水揚性宜旱一木迥不相侔何可因其並稱而遂認爲一木耶特表而出之赤者近水生根須可樹以護壩堤

檉柳

ギヨリウ

檉柳一名觀音柳一名西河柳幹不甚大赤莖弱枝葉細如絲縷婀娜可愛一年作三次花花穗長二三寸其色粉紅形如蓼花故又名三春柳其花遇雨卽

開宜植之水邊池畔若天將雨檉先起以應之又名雨師葉經秋盡紅負霜不落春時扦插易活

橘

枳附
タケバナニカン

橘一名木奴大曰橘小曰柚多生南方暖地木高二丈刺出莖間葉冬不凋初夏開小白花其香甚觸六七月成實交冬黃熟福橘大而紅爲諸橘之最溫衢者亦佳其類甚多韓彥直有橘譜可考今錄其要有朱橘蜜橘乳橘芳塌橘包橘綿橘沙橘早黃穿心波斯荔枝脫花甜凍橘盧橘等至如油橘則最下之

品也。春初取核撒地。待長三尺許。移栽宜於斥鹵之所。忌用猪糞。夏時澆以糞水。則葉茂而實繁。性畏霜雪。至冬以河泥犬糞壅其根。以為來年之益。稻草裹其幹。則不凍死。若在閩粵則不然也。其木有二病。一與蠹是也。幹生苔蘚。須速刮去之。見蛙屑。飄出必有蟲穴。以鈎索之。再用杉木釘窒其孔。經云。橘踰淮而為枳。則枳即橘之變種也。故其木與花葉皆類。橘惟所結子不同。橘有瓢可食。枳則皮粗厚。內實而不堪食。只可入藥用。其樹多刺。最宜編籬。凡遇旱。以米泔

水澆。則實不損落。根下埋死鼠。則結實加倍。藏橘於綠豆內。至春盡不壞。橙柑亦然。若見糯米即爛。

橙 ユユス

橙一名蜜橙。一名金毬。樹似橘而有刺。葉長有兩刻。缺如兩段者。實似橘而微大。經霜早黃。皮皺厚而甜。香氣馥郁。但瓢稍酸。人多以糟製。或蜜浸。其用甚廣。誠佳果也。一種香橙。似蜜橙小而皮薄。味酸。花皆類橘。葉亦有尖。一種懈橙。即臭橙。比蜜橙皮鬆。味辣。無所取用。蜀有給客橙。似橘而實非。若柚而獨香。冬夏

花實相繼。通歲得以食之。亦名盧橘。

金柑 キンカン

金柑一名金橘。一名瑞金奴。生江浙川廣間。其樹不甚大。而葉細。婆婆如黃楊。夏開小白花。秋冬實熟。則金黃色。大如指頭。或如彈丸。更有小如豆者。皆皮薄而堅。肌理瑩細。其味酸甜而芳香。可口。一種牛奶柑。形長如牛乳。但香味稍劣。又一種名金豆者。樹只尺許。結實如櫻桃。大皮光而味甜。植於盆內。冬月可觀。多產於江南太倉。與浙之寧波。又一種蜜羅柑。其大

似香櫞。而皮皺。味更香美。生於浙之金衢。皆以四月前接

香櫞

香櫞。俗作圓。一名枸櫞。本似橘。而葉畧尖長。枝間有刺。花之色與香亦類。橘其實正黃色。有大小二種。皮光細而小者為香櫞。皮粗而大者為朱欒。香味不在。惟香櫞清芬。襲人。能為案頭數月。清供。瓢可作湯。皮可作糖片。糖丁。葉可治病。其樹必待小鳥作巢。後方得開。花結實。亦物類之感。召也。下子亦易出。

佛手柑

佛手柑一名飛穰產閩廣間樹似柑而葉尖長枝間有刺植之近水乃生結實形如人手指長有五六寸者其皮生綠熟黃色若橙而光澤肉肉白而無子雖味短而香馥最久置之室內筒中其香不散南人以此雕鏤花鳥作蜜煎果食甚佳

檳榔

檳榔一名馬金南生南海今嶺外皆有木大如桃榔高五七丈初生若竹竿積硬引莖直上有節而無旁枝柯條從心生端頂有葉似芭蕉條脉開破風至則

如羽扇三月葉中腫起一房因自拆裂出穗凡數百實其大如李皆有皮殼又生刺重累於下以護其實五月成熟剝去其皮煮肉曝乾交廣人邂逅設此代茶食必以扶留藤牡蠣灰同咀嚼之吐去紅水一口則柔滑甘美不澀又大腹子即豬檳榔形扁而味澀必須萋葉與蛤粉卷和而食

虎刺

アリトウシ

虎刺一名壽庭木生於蘇杭蕭山葉深綠而光上有一小刺夏開小白花花開時子猶未落花落後復結

熟堂
作熟

子紅如珊瑚。其子性堅。雖嚴冬厚雪不能敗。性畏日。喜陰。本不易大。百年者止高二三尺。春初分栽。亦多不活。用山泥。忌糞水。并人口中熟氣。相冲。宜澆梅水。及冷茶。吳中每栽盆內。紅子纍纍。以補冬景之不足。

蜜蒙花

蜜蒙花生益州及蜀之州郡。木高丈餘。葉似冬青。而厚。背白色。有細毛。花微紫色。二三月採花。暴乾則味其甜如蜜。其花一朶有數十房。蒙蒙然細碎。故有是名。

平地木 ヤブカウジ

平地木高不盈尺。葉似桂。深綠色。夏初開粉紅細花。結實似南天竹子。至冬大紅。子下綴。可觀。其托根多在甌蘭之傍。虎茨之下。及巖壑幽深處。二三月分栽。乃點綴盆景必需之物也。

梔子花 クチナレノハナ

梔子花一名越桃。一名林蘭。釋號簪菊。小木也。有三種。單葉小花者。結子多。千葉大花者。不結子。色白而香烈。又有四季花者。亦不生山。梔子州產一種矮樹。

花鏡

卷三 平地木

三十六

梔子高不盈尺。盆玩清香。動人夏花潔白。而六出。秋
 實丹黃。有稜。可染黃色。亦可入藥。昔孟昶十月宴芳
 林園。賞紅梔子花。清香如梅。近日罕見。此種冬初取
 子。晒乾。來春畦種。覆以灰土。如種茄法。次年三月移
 栽。至四年即開花結實矣。又梅兩時。隨花剪。打肥地
 亦活。若干葉者。宜土壓旁。生小枝。久則根生。分栽自
 活。性不喜糞。惟以輕肥沃之。自茂。若太肥。又恐生白
 蠹。一法。芒種時。穴一腐板泥塗。剪枝種。其上。浮置水
 面。俟其根生。後移而種之。

石榴 サクロ

石榴一名丹若。一名金罌。又一種味最甜者。名天漿。
 其種自安石國。張騫帶歸。今隨在有之。樹高一二丈。
 梗紅葉綠。而狹長。其花單葉者。結實千葉者。不結實。
 性宜沙石。枝柯附幹。自地便生。作叢。孫枝甚多。種極
 易。息惟山種者。實大而甘。千房同膜。千子如一。花有
 數色。千葉大紅。千葉白。或黃或粉紅。又有並蒂花者。
 南中一種。四季花者。春開。夏實之後。深秋忽又大。放
 花與子並生。枝頭碩果罅裂。而其傍紅英燦爛。併花

折挿瓶中豈非清供乎又一種中心花瓣如起樓臺
謂之重臺榴花頭最大而色更紅艷海榴花附萼皆
大紅心內鬚黃如粟密又有紅花白緣白花紅緣者
亦異品也其實可禦饑渴釀酒漿解醒療病栽以三
月初取嫩枝如拇指大者斫令長一尺半八九枝共
爲一窠燒下頭二寸許不燒恐漏汁難活掘圓坑深
一尺七寸口徑尺豎於坑畔環布枝令勻正置枯骨
殭石於枝間性骨石乃樹所宜也下肥土築之一重土間一重
骨石至平坎乃止其土令沒枝頭過一寸許水澆常

令潤澤若已生芽又將骨石布其根下則柯圓枝茂
可愛其孤根獨立者雖生亦不佳十月終以蒲藁裹
其本而纏之不致凍壞至二月初解放若以大石壓
其根上則實繁而不落性喜暖雖酷暑烈日中亦可
澆以水糞

火石榴

テウセンガクロ

火石榴以其花赤如火而得名究不外乎榴也樹高
不過一二尺自能開花結實以供盆玩亦有粉紅純
白者皆可人目若嫌其葉多花少嘗摘去嫩頭偏於

烈日中以肥水澆之則花更茂亦物性使然也。大抵盆種土少力薄更不耐寒。逢冬必須收藏房簷之下。庶不凍壞。養盆榴法無間寒暑以肥爲上。盛夏置之架上。或屋上。使不近地氣。則枝不大長。若蟻蚓作穴。用米泔水沉沒花盆。浸約半時。取出日晒如土乾。又復浸之。則無矣。倘發莖太密。須掐去其半。則花開始。有精神。結實不至半大便落。又有一種細葉柔條者。更佳。多產揚州。

棟 オホキ センダン

棟樹有二種。青皮棟。堅紉可爲器具。其皮肉俱青色。火棟。性質輕脆。其皮肉皆紅。樹高一二丈。葉密如槐。而尖。夏開花紅紫色。一蓓數朶。芬香滿庭。實如小鈴。生青熟黃。又名金鈴子。鳥雀專喜食之。故有鳳凰非棟實不食之語。江南自春至夏。有二十四番花信風。梅花爲首。棟花爲終。實熟鳥不食者。俗名苦棟子也。木有雌雄。雄者根赤無子。

棗 ナツメ

棗一名木蜜。樹堅直而高大。身多刺而少橫枝。葉細。

而有尖。四五月開，小淡黃花，香味甚濃。北地最廣，而青、晉、絳州者更佳。今實之鮮者，通謂之白蒲棗。乾者，率自河南、山東、北直諸處產，而青州樂氏棗為最。浙之金衢、紹、出南棗、獨浦江者，甘膩似蜜雲棗，而形長大。蜜雲雖小而核細，肉甜。羊棗實圓而紫黑色。江寧、甯坊棗與膠棗無皮核，而人多重之。又東海有棗，五年一實，棗類甚多，不能詳載。其實未熟，雖擊不落，已熟不擊自落。凡種擇鮮棗之味美者，交春種下，候葉一生，即便移栽。三步植一株，行欲相當地，不必耕也。

每蠶入簇時，以杖擊其枝間，使振去狂花，則結實繁，而且大。又於白露日，根下遍堆草，焚之以辟露氣，使不至於乾落。至正月初一早，以斧背斑駁槌之名曰嫁棗。本年必花盛而實繁。俗云：移棗樹三年不發，不發亦死。亦有久而復生者。又東海之中，有水赤棗華而不實。

椿 附樗
チヤンチン

椿俗名香椿，樹高聳而枝葉疎，無花而不結莢者，是也。其根上孫枝，春秋二分日，移植即活。其嫩葉初放

時土人摘以佐庖點茶香美絕倫一種似椿而葉臭
有花而結莢者俗呼爲裊椿是樗非椿也江東人呼
爲虎目葉脫處有痕相似也

楓

楓一名彙香木也其樹最高大似白楊而堅可作棟
梁之材葉小有三尖角枝弱善搖二月開白花旋即
着實圓如龍眼上有芒刺不但不可食且不中看惟
焚作香其脂名白膠香一經霜後葉盡皆赤故名丹
楓秋色之最佳者漢時殿前皆植楓故人號帝居爲
楓宸一云楓脂入地千年即成琥珀又有一種小楓
樹高止尺許老幹可作盆玩

楮 カキ

楮一名穀樹有二種一雄皮斑而葉無楮又三月開
花即成長穗似柳花而無實一雌皮白中有白汁如
乳葉有楮又似蒲萄開碎花結實紅似楊梅但無核
而不堪食皮可作紙汁可克膠十二月內將子淘晒
過種即生亦可佐服食

梧桐 アラギリ

梧桐一名青桐一名觀木無節而直生理細而性緊皮青如翠葉缺如花妍雅華淨新發時賞心悅目人家軒齋多植之四月開花嫩黃小如棗花墜下如醜五六月結子莢長三寸許五稜合成老則開裂如箕名曰橐鄂子綴其上多者五六少者二三大如黃豆雲南者更大皮乾則皺而黃其仁肥嫩而香可生噉亦可炒食點茶此木能知歲時清明後桐始華桐不華歲必大寒立秋是何時至期一葉先墜故有梧桐一葉落天下盡知秋之句每枝生十二葉一邊六葉從下

數一葉為一月有閏則十三葉視葉小處即知閏何月也二三月畦種如種葵法稍長移種背陰處方盛地喜實不喜鬆凡生岩石上或寺旁時聞鐘磬聲者採東南大枝為琴瑟音極清麗別有白桐油桐海桐刺桐頰桐紫桐之異惟梧桐世人皆尚之又一種最小者因取其婆娑暢茂堪克盆玩

楊梅 ヤ、モ、

楊梅一名杔音求為吳越佳果樹若荔枝而小葉細陰厚至冬不凋隔年開花結實如穀樹子而有核與仁

生青熟紅如鶴鳴狀亦有紫白色者肉在核上無皮
殼而有仁可食以柿漆拌核暴之則自裂仁出大畧生太湖杭紹諸
山者實大肉鬆核小而味甘美餘雖有實小而酢止
堪鹽淹蜜漬火薰而已種法六月間將子於糞坑內
浸過收盒待來年二月以青石屑拌黃土鋤地種之
待長尺許於次年三月移栽澆以羊糞水自盛四年
後取別樹生子好枝接之復栽山黃泥地移時根下
須多留宿土臘月開溝於根旁高處離四五尺以灰
糞壅之不可着根每遇雨肥水滲下則結實必大而

甜若以桑樹接楊梅則不酸如樹生癩以甘草削釘
釘之即愈春分前海桐可接

橄欖

橄欖一名南威一名味諫俗呼青果生嶺南及閩廣
諸州郡有五種丁香欖故欖蠻欖絲欖新婦欖樹似
木槎聳直而枝高其大有數圍者春開花似檉其香
甚甜美實長寸許其形如梭而兩頭銳核內無仁而
有三竅深秋方熟入口雖酢後漸清芬勝於雞舌香
凡實先生者向下後生者漸高有樹大不可梯者將

熟時以木釘釘之。或於根旁刻一方寸，坎納鹽其中。一夕後實皆自落。木亦無損。其尖而香者名丁香橄欖。最為珍品。圓而大者俗名柴橄欖。初食之甚澁。殆咀嚼久之。隨飲以水。回味自甘。煮食可解酒毒。置湯中。可以代茶。鹽淹蜜漬皆宜。又廣西出方橄欖。有三角。邕州者。色類相似。但核作兩瓣之異耳。

荔枝

荔枝一名丹荔。一名離枝。為南方珍果。嶺南蜀中俱產。惟閩中為第一。樹有高至五六丈者。其形團圓如

帷蓋。葉似冬青花。如橘枳。又若冠之綈綴。朶如蒲萄。結實多雙核。類枇杷而尖長。殼如紅縐膜。如紫綃肉。如白肪。甘如醴酪。花於春末。實於夏中。其木堅久。其根多浮。須常加糞壤以培之。但性不耐寒。最難培植。總經繁霜。枝葉立萎。必待三春再發。初種五六年。交冬便須覆蓋。直至四五年始開花。結實有四百餘年。老幹猶能結實。亦異品也。每逢夏至。將中其實。翕然俱赤。採食味甘多。汁而香。大樹下子可百斛。妙在人未採時。百蟲不敢食。一經染指。鳥雀蝙蝠之類。俱

來傷殘熟時必趁日中併手採摘此果若離本枝一日色變二日香減三日味變四日外色香味皆盡矣非惟北地不可得即江浙亦未之見也然其名色荔枝譜載之甚詳茲畧舉蔡君謨之大槩而錄之總由愛其實而摹擬其色香味與地土形狀姓氏而巧為名之耳多食病熱以蜜解之

附荔枝釋名 共七十五種

諸色荔枝

狀元紅 實圓而小核細如丁香上品也 大將軍 五代時有此因種自將軍府得名

一品紅 於荔枝為極品 玳瑁紅 色紅有黑點類玳瑁出城東

陳紫 乃為果中第一 方紅 徑可二寸色味俱美

藍家紅 泉州第一品出 法石白 其大次於藍紅

江綠 類陳紫差大而香 周家紅 初為第一今重陳

大丁香 殼厚色紫味微 龍牙 長可三四寸灣曲如瓜牙無核然不易得

朱公荔枝 比陳紫而小 十八娘 色深紅而細長闊

珍珠荔枝 圓白如珠無核荔枝之最小 火山荔枝 出南越四月熟

蒲萄荔枝 每穗多至二百顆 粉紅荔枝 荔枝本深紅此獨色淺為異

蜜荔枝 因其過於甘香 圓丁香 他種殼下大上銳此獨圓而味更美

水荔枝漿雖多而味不及出與化軍大小陳紫一種大過陳紫一種小過陳紫

綠葉香皮色綠而雜以紅點斑駁可愛虎皮荔枝色紅上有青斑類虎皮

牛心此以狀名長二寸餘皮厚肉澁釵頭顆顆最小而紅豔可施之頭鬢

蚶殼是以狀名秋元紅實時最晚因以命名游家紫出泉州游氏

何家紅漳州何氏綠核荔枝核皆紫此核獨綠蕙團每采數十並蒂雙垂

朱柿色似朱形如柿硫黃以其色類硫黃出福州學士緋實色最紅可愛

水晶國肉似水晶楓亭驛出興化肉厚味甘焦核因其核最細為荔中妙品

六月密取六月熟七夕紅因其七月實熟也中秋絲因其熟太遲也

皺玉肉微有皺紋星毬紅實圓有似于毬綠羅袍雖成熟色猶帶綠

天茄子色如茄花麝香匣其香微有似於麝松柏壘其形有類於松實

金鐘金瓊紫瓠蒺藜延壽紅以上諸名皆取其色

駝蹄饅頭蛇皮雙髻僧耆頭以上取形相似

脆玉栗玉玉英郎官紅水母以上取肉色

沉香壽香透背中半熟此種取其時百步蘭以上取其香

進鳳子爭龍瓶犀角子不憶子

大蠟小蠟雞每引子狎狗亦取其色得名

龍眼

龍眼一名益智一名比目一名海珠藜樹似荔枝而

葉幹差小。凌冬不凋。其枝蔓延緣木而生。春未開細
白花。結實圓如彈。而殼青黃。核如木椀子。而不堅肉
白。有漿。其甘如蜜。一朶四五十顆。作穗若蒲萄。然其
性畏寒。白露後方可摘。荔枝有後方熟。故俗呼爲荔
奴。又因其色香味皆不及荔枝。故稱爲奴。在食品則
荔枝肉厚漿多。而香因可人口。特珍異之。若論益人
則龍眼功用良多。荔枝性熱。而龍眼性最和平。宜與
荔枝比肩。烏得而奴隸之耶。

黃楊木

黃楊木。樹小而肌極堅。細枝叢而葉繁。四季長青。每
歲止長一寸。不溢分毫。至閏年反縮一寸。昔東坡有
詩云。園中草木春無數。惟有黃楊。已閏年。因其難大
人多以之作盆玩。

柳 ヤシホ

柳。出海南。今嶺南亦有之。葉如棕櫚。樹高六七餘丈。
亦無枝條。葉在木末。如束蒲。實生葉間。一穗數枝。大
如寒瓜皮。中子殼可爲飲器。鋸開子中。白瓤厚有半
寸。味似胡桃。極肥美。有漿飲之。輒醉。初極清芬。久之

則渾濁不堪飲矣。人皆取其殼作瓢。能解水與酒毒。如酒有毒。則酒滾沸而起。今人反漆其裏。是失本旨矣。

椒 サンシヤウ

椒一名蔞藪。一名漢椒。有秦蜀二種。今處處有之。惟蜀產者香烈。木高四五尺。似茱萸而小。本有針刺。葉堅而滑。味亦辛香。蜀人取嫩芽作茶。其葉對生。尖而有刺。四五月結子。枝葉間如小豆而圓。生青熟紅。皮皺肉厚。內有小黑子。突出如人之瞳子。故有椒目之

稱喜陰惡糞。宜壅河泥。又一種胡椒。生於西戎。北人食物中多尚之。廣東一種小椒。係蔓生。其辣味與樹椒同。

茱萸

茱萸隨處皆生。木高丈餘。皮青綠色。葉似椿而濶厚。色青紫。莖間有刺。三月開紅紫細花。其實結於枝梢。繁繁成簇。而無核。嫩時微黃。至熟則深紫。味辛辣。如椒。并側河邊宜植。此樹葉落。其中人飲是水。永無瘟疫。懸子於屋。能辟鬼魅。九月九日折茱萸戴首。可辟

惡氣除鬼魅

銀杏 イテウ

銀杏一名鴨脚子

以其葉似鴨脚也

多生南浙木最耐久高

十餘丈大可數圍其肌理甚細可為器具梁棟之用

又名公孫樹言公種而孫始得食也緣其子白俗呼

為白果其花夜開即落人罕見之實大如枇杷每枝

約有百十顆初青後黃八九月熟後打下堆積空處

待其皮自腐爛方取其核洗淨曝乾核形兩頭尖扁

而中圓或炒或煮而食俱可春初種肥地週年後方

可移栽其核有雌雄雌者兩稜雄者三稜須雌雄同

種方肯結實或將雌樹臨水種之照影亦結或將雌

樹鑿一孔以雄木填入泥封之亦結大約接過易生

實熟時以竹篾箍樹本但擊篾則果自落雖為佳果

可以療病究竟不可多食食多動風惟舉子廷試煮

食能截小水如食多誤中其毒一時腹內痛脹連飲

冷白酒幾盃一吐即愈

胡桃 クルミ

胡桃一名羌桃一名萬歲子樹高數丈葉翠似梧桐

兩兩相對而長且厚而多陰三月開花如栗花穗蒼
 黃色實似青桃有二種殼薄多肉易碎者名胡桃產
 荆襄殼堅厚須重槌乃破者名山核桃產燕齊採用
 先剖去青皮乃得核桃核內有白肉形如猪腦外有
 黃膜微澁須湯泡去之可食然其性熱只宜少食下
 種必擇其佳者殼光紋淺體重之核平埋土中即能
 發芽若以尖縫向上則水浸其仁壞多不能活春斫
 皮中出汁婦女承取沐頭則髮黑又將核入火中燒
 半紅埋灰中作火種經三四日不動亦不燼

六月雪

六月雪一名悉茗亦名素馨六月開細白花樹最小
 而枝葉扶疎大有逸致可作盆玩喜清陰畏太陽深
 山叢木之下多有之春間分種或黃梅雨時扦插宜
 燒殘茶

茶

茶一名薺音喘早採為茶晚採為茗其葉以穀雨前採
 者為貴花色月白而心黃清香隱然瓶之高齋誠為
 雅供且葢在枝間者逐一皆開性畏水與日不澆肥

者茶更香美其所產之地殊多但不宜於北今就最
著名者而衡之松羅伏龍天池陽羨等類色翠而香
遠芥片產吳興是茶而實非茶種皆為江浙第一如
虎丘龍井又為吳下第一惜不多產至於荆溪武夷
稍下六安可入藥而香味不及天目徑山次之此外
所產只可供本土之用爾藏茶須用錫瓶則茶之色
香雖經年如故近日閩茶以松羅雜真珠蘭焙過而
香更烈者終不若天然香味之足貴也但茶性甚滯
梅花茉莉玫瑰木樨隨拌隨染其香矣

枳椇 ケンホノナシ

枳椇一名木蜜一名雞距子樹高三四丈葉圓大如
桑柘枝柯不甚直子着枝端夏月開花實長寸許紐
曲開作二三岐形若雞之足距嫩時青色經霜乃黃
味甘如蜜嫩葉生啜亦甜老枝細破煎汁成蜜倍甜
能止渴解煩但敗酒味若以此木為柱則屋中之酒
必薄每實開岐盡處結一二小子內有扁核色赤如
酸棗仁飛鳥喜巢其上

槐 エンジュ

槐一名榲一名盤槐一名守官槐樹高大而質鬆脆
 葉細如豆瓣季春之初五日如兔目十日如鼠耳更
 旬始規二旬葉成扶疎可觀花淡黃而形彎轉在秋
 初時開故有槐花黃舉子忙之諺人多庭前植之一
 取其蔭一取三槐吉兆期許子孫三公之意花可染
 色結實至明年春暮方落落即自生小槐榲槐葉大
 而色黑本如棠盤槐膚理葉色俱與槐同獨枝從頂
 生皆下垂盤結蒙密如涼傘性亦難長歷百年者高
 不盈丈或植廳署前或種高阜處甚有古致守官槐

幹弱花紫晝聶夜炕又俗名猪屎槐者材不堪用種
 法收子晒乾夏至前以水浸生芽和蒜子撒肥地當
 年即與蒜齊刈蒜留槐別樹竹竿以繩攔定來年復
 種蒜護之三年後方可移栽老槐經秋可取火

紫薇 サルスベリ

紫薇一名百日紅其花紅紫之外有白者曰銀薇又
 有紫帶藍色者曰翠薇俗呼為怕癢樹其木光滑無
 皮人若搔之則枝幹無風而自動亦其性使然也葉
 對生一枝數穎一穎數花六月始花其蕊開謝相接

續可至九月。約有百日之紅。其性喜陰。宜栽於叢林之間。不蔽雨露。處自茂。根旁小木。分種易活。

白菱

白菱。葉似梔子。花如千瓣菱花。一枝一花。葉托花朵。七八月間發花。其花垂條。色白如玉。綽約可人。亦接種也。

木槿 モクゲ

木槿。一名薜英。一名王蒸。又名日給。愛老重臺。花上花諸名目。惟千葉白。與紫大紅粉紅者。佳葉繁密。如

桑而小。花形差小於蜀葵。朝榮夕隕。遠望可觀。若單葉柔條。五瓣成一花者。乃籬槿也。止堪編籬。花之最下者。南海有朱槿。但不易得耳。在春初扦插。以河泥壅之。即活。若欲扦插。須一連插去。不可住手。如斷續。插生後。雖盛亦必斷而不接也。其嫩葉可代茶飲。

桂 モクセイ

桂。一名稜。一名木樨。一名巖桂。葉對生。豐厚而硬。凌寒不凋。枝條繁密。木無直體。花甚香甜。小而四出。或有重臺。亦不易得。其種不一。白名銀桂。黃名金桂。能

著子紅名丹桂不甚香又有四季桂月桂閩中最多
 葉如鋸齒而紋粗花繁而香濃者俗呼毬子木樨花
 時凡三放為桂中第一澆以猪穢則茂壅以二蠶沙
 則肥但不宜糞而喜河泥若移栽須擇高阜半日半
 陰處以臘雪高擁其根則來年不灌自茂冬月以猪
 猪湯澆一次尤妙如木生蛀取芝蔴梗懸之樹間能
 殺諸蟲一云木樨接於石榴樹上其花即成丹桂花
 榭後摘去其蒂亦如鳳仙可發二次屈其條壓土中
 良久自能生根一年後截斷八月含蕊時移種若以

冬青樹接亦可花以鹽滷浸之經年色香自在以糖
 搗作餅點茶香美

皂莢 サイカン

皂莢一名皂角所在有之樹最高大葉如槐而尖細
 枝多刺夏開小黃花結實有三種小而尖者名猪牙
 長而肥厚多脂者可用長而瘦薄不粘者劣初生時
 嫩芽可茹莢老可入藥二三月宜種如樹大不結莢
 當於南北二面去地鑽孔用木釘釘入泥封其孔來
 年即結

椶櫚 シユロ

椶櫚一名鬣葵。木高數丈。直無旁枝。葉如車輪。叢生。木抄有粽皮包於木上。二旬一剝。轉復上生。三月間。木端發數黃苞。苞中細子成列。卽花穗。亦黃白色。結實大如豆。而堅。生黃熟黑。每一墮地。卽生小樹。宜植。庄園之內。性喜鬆土。或鳥雀食子。遺糞於地。亦能生。苗秋分移栽。先掘地作坑。用狗糞舖坑底。再以肥土蓋之。初種月餘。以河水間日一澆。後此隨便可也。至其粽之爲用。織衣帽褥椅之類。甚廣。再製爲繩索。縛

花枝紫屏架。雖經雨雪。耐久不爛。園圃中極當多植。數本者。

紅豆樹 トウアツキ

紅豆樹出嶺南。枝葉似槐。而材可作琵琶槽。秋間發花。一穗十葢。纍纍下垂。其色妍如桃杏。結實似細皂角。來春三月。則莢枯。子老。內生小豆。鮮紅堅實。永久不壞。市人取。嵌骰子。或貯銀囊。俗皆用以爲吉利之物。又有一種半截紅半截黑者。名相榧子。土人多採以爲婦人首飾。

無花果 イチジク

無花果一名優曇鉢一名映日果一名蜜果樹似胡
桃三月發葉似楮子生葉間五月內不花而實狀如
木饅頭生青熟紫味如柿而無核植之其利有七一
味甘可口老人小兒食之有益無損二曝乾與柿餅
無異可供邊實三立秋至霜降取次成熟可為三月
之需四種樹取効最速桃李亦須三四年後結實此
果截取大枝扦插本年即可結實次年便能成樹五
葉為醫痔勝藥六霜降後如有未成熟者可收作糖

蜜煎果七得土即活隨地廣植多貯其實以備歉歲
種法在春分前取三尺長條插土中澆以糞水若生
葉後惟澆清水結果後更不可缺水常置甌其側出
以細雷日夜不絕實大如甌

枇杷 ヒハ

枇杷一名盧橘樹高一二丈葉似琵琶又如驢耳背
有淡黃毛枝葉婆娑凌冬不凋秋發細莖成毬冬開
白花來春結子簇結作球微有毛如鶯黃小李至夏
成熟滿樹皆金其味甘美收核種之即出待長移栽

春月用本色肥枝接過則實大而核小若再接一次則無核矣性不喜糞但以淋過淡灰壅之自能榮茂果木中獨備四時之氣者惟枇杷核能去黴垢

栗

栗產濮陽范陽兗州而宣州杭州者更佳樹似櫟而花色青黃與他花特異枝間綴花長二三寸許有似胡桃人俟其落時收之點火風雨不滅結實如毬外有芒刺內有栗房一包三五枚熟則罅折子出如欲乾收或曝或懸迎風處若欲生收藏之潤沙中至春

三四月尚如新摘者冬末春初將子埋濕土中種向陽地待生長六尺餘方可移栽春分時取櫟樹或本樹生子肥大者接之亦可栗生數年不可掌近凡屬新栽樹皆然而栗尤甚十月天寒以草包之二月方解或云與橄欖同食能作梅花香味而橄欖無渣

榛

榛生關中鄜坊山東等處樹似梓而高丈餘葉色如牛李冬發花春結實外殼堅內肉香狀如小栗其核中悉如李生則胡桃味乾則甜美可食產遼東新羅

者更肥美。栽種法與栗同。

榧 カヤ

榧一名被子。一名玉榧。俗呼赤果。產自永昌。杭州者不及信州玉山之佳。葉似杉而異形。其材文彩而堅。本大連抱。高有數仞。古稱文木。堪為器用。樹有牝牡。牡者開花而牝者結實。理有相感。不可致詰也。冬日開黃圓花。其實有皮殼。如棗而尖短。去皮殼可以生食。若火焙過。便能久藏。食更香美。大槩以細長而心實者為佳。一樹可得數十斛。二月下子種。

木蘭

木蘭一名木蓮。一名杜蘭。生零陵山谷。及泰山上。狀如楠樹。高數丈。枝葉扶蘇。皮似桂而香。葉似長生有三道縱紋。花似辛夷。內白外紫。亦有紅黃白數種。交冬則榮。亦有四季開者。實如小柿。甘美可食。

茶梅花 サバンクワ

茶梅。非梅花也。因其開於冬月。正眾芳凋謝之候。若無此花。點綴一二。則子月幾虛度矣。其葉似山茶。而小花如鵝眼錢。而色粉紅。心深黃。亦有白花者。開最

耐。久。望。之。雅。素。可。入。

天仙果

天仙果。出自四川。樹高八九尺。葉似荔枝而小。不開
花而自實。纍纍枝間。子如櫻桃。六七月。中熟。其味最
甜美。

古度子

古度子。出自交廣諸州。本與葉似栗。不開。花而實。枝
間生子。大如安石榴。及楮子。而色赤。味酸。煮以爲糲。
食之。若遲數日。不煮。則化作飛蟻。穿皮飛去矣。此蓋

無情化有情之一驗也。

攀枝花

攀枝花。一名木綿。產於南越。樹類梧桐。高四五丈。葉
類桃。而稍大。花似山茶。開時殷紅如錦。結實大如酒
杯。絮吐於口。卽攀枝花。土人取其實中。絮鋪褥。甚軟
美。但不可作綿線。若樹上有取不盡者。猶如柳絮。卽
飛揚四散矣。

相

ナンキンハセ
リウキウハセ

相。一名烏相。一名柜柳。出浙東江西。樹最高大。葉如

杏而薄小。淡綠色。可以染皂。花黃白。子黑色。可以取臘為燭。其子中細核可榨取油。止可燃燈。油傘不可食。食則令人吐瀉。木必接過方結子。不接者雖結不多。秋晚葉紅。可觀。亦秋色之不可少者。

石楠

石楠。昔楊妃名為端正木。南北皆有之。樹大而婆娑。其質甚堅。葉如枇杷。有小刺而背無毛。名曰鬼目。春盡開白花成簇。秋結細紅實。冬有二葉為花苞。苞既開。中有十五餘花。大小如椿花。其細碎。每一包約彈

子大而成毬。一花六葉。一朶有七八毬。淡白綠色。葉本微淡赤色。花既開。蓋滿花。但見葉不見花。花纔罷。隔年綠葉始落。漸生新葉。緣葉密多。蔭人皆移植庭院間。清明時紅葉墮地。小兒拾為冠帶。嬉戲蜀中一種最大者。可數十圍。中梁柱之用。小者為梳。最精。

鐵樹

鐵樹葉類石楠。質理細厚。幹葉皆紫黑色。花紫白。如瑞香。四瓣較少。團一開。累月不凋。嗅之。乃有草氣。因憶古人嘗見事。或難成。便云。除須鐵樹開花。疑無是



樹及至馴象衛殷指揮園中見有此樹高可三四尺。詢其名則曰鐵樹每遇丁卯年便放花其年果花移置堂上治酒歡飲作詩稱賀若非到此目睹則安知真有是木耶及聞海南人言此樹黎州極多有一二尺長者葉密而花紅樹儼類鐵其枝極穿結甚有畫意益玩最佳但人所罕見故稱奇耳。五臺山有鐵樹每年六月開花

冬青

子スミモノ

冬青一名萬年枝樹似枸骨枝幹疎勁葉綠而亮隆冬不枯可以染緋。莊園徑路多排直而種號曰冬牆。夏開小白花而氣味不佳花含蕊必雨花落後必晴。結子圓而青名曰女貞實可以釀酒子墜地即生苗移植易活欲其茂盛須用猪糞壅再以猪溺澆雖至彫瘁復榮一種細葉冬青枝條細軟乘小時種傍籬邊用以密編可蔽籬眼堅久如壁又一種水冬青葉細而嫩利於養蠟子取白蠟宋徽宗試畫院諸生以萬年枝上太平雀為題無一知者及扣之冬青也洪武時杭城各街市比屋植冬青亦取吉祥之意。

榆

榆類種多。葉皆相似。但皮及木理有異。刺榆如柘。有刺。其葉如榆。嫩時瀹為蔬。羹滑於白榆。初春先生莢。名曰榆錢。最可觀。亦可作羹。至冬實老。可釀酒。亦可作醬。荒歲其皮磨為粉。可食。亦可和香末作糊。榆麵如膠。用粘瓦石極有力。

秘傳花鏡卷之三終

